





باسمہ اللہ الرحمن الرحیم

রাষ্ট্রপতি
গণপ্রজাতন্ত্রী বাংলাদেশ
ঢাকা।
২৭ অগ্রহায়ণ ১৪২৩
১১ ডিসেম্বর ২০১৬

বাণী

পার্বত্য চট্টগ্রাম বিষয়ক মন্ত্রণালয় চতুর্থ বারের মতো জাতিসংঘ ঘোষিত ‘আন্তর্জাতিক পর্বত দিবস’ পালন করছে জেনে আমি আনন্দিত।

বৈচিত্র্যময় ভূ-প্রকৃতি, নৈসর্গিক প্রাকৃতিক সৌন্দর্য, অধিবাসীদের বর্ণাঢ্য জীবনাচার মিলে আমাদের পার্বত্য এলাকা বাংলাদেশের এক অনন্য বৈশিষ্ট্যমণ্ডিত অঞ্চল। বর্ণিল লোকাচার কৃষ্টি-ঐতিহ্যে এ অঞ্চল কেবল বাঙালিদের নয়, বিশ্ববাসীকে দুর্বীর আকর্ষণ করে। বিশ্বব্যাপী বিভিন্ন পর্বতের সাথে ধর্মীয় মিথ জড়িয়ে আছে। মাউন্ট অলিম্পাস, মাউন্ট সিনাই, মাউন্ট এথোস, হলি বুদ্ধিস্ট মাউন্টেন আমাদের সেই মিথকে স্মরণ করিয়ে দেয়। প্রকৃতির সাথে বসবাস করে পার্বত্য এলাকার জনগণ যেমন জীববৈচিত্র্যকে সংরক্ষণ করছে তেমনি তারা পরিবেশ রক্ষায়ও গুরুত্বপূর্ণ অবদান রাখছে। এ পরিপ্রেক্ষিতে এবারের প্রতিপাদ্য বিষয় ‘Mountain Cultures : celebrating diversity and strengthening identity’ যথার্থ হয়েছে বলে আমি মনে করি।

আন্তর্জাতিক পর্বত দিবস পালনের মধ্য দিয়ে পার্বত্য অঞ্চলের জীবন ও সংস্কৃতি সম্পর্কে সাধারণ মানুষের মাঝে সচেতনতা বৃদ্ধি পাবে এবং পার্বত্য মানুষের টেকসই ভবিষ্যৎ গঠনের মৌলিক উপাদানসমূহ নিশ্চিত হবে-এটাই সকলের প্রত্যাশা। বৈশ্বিক জলবায়ু পরিবর্তনের নেতিবাচক প্রভাবে পার্বত্য অঞ্চলে যে প্রতিকূল অবস্থার সৃষ্টি হচ্ছে তার সাথে খাপ খাইয়ে জীবনমান উন্নয়নেও আন্তর্জাতিক পর্বত দিবস গুরুত্বপূর্ণ ভূমিকা রাখবে বলে আমি মনে করি।

আমি ‘আন্তর্জাতিক পর্বত দিবস- ২০১৬’ এর সার্বিক সাফল্য কামনা করছি।

খোদা হাফেজ, বাংলাদেশ চিরজীবী হোক।


মোঃ আবদুল হামিদ

পার্বত্য সংস্কৃতি: বৈচিত্র্যের উদ্‌যাপন ও আত্ম-পরিচয় দৃঢ়ীকরণ
মো. কামাল উদ্দিন তালুকদার

পৃথিবীর চারভাগের তিনভাগ জল এবং একভাগ স্থল। এই এক-চতুর্থাংশ স্থলভাগের এক-চতুর্থাংশেরও বেশি (২৭%) জায়গা জুড়ে আছে পর্বতমালা যার দ্বারা উপকৃত হচ্ছে প্রায় এক-চতুর্থাংশ (২২%) মানুষ। এত বিশাল এলাকা জুড়ে পর্বতের গুরুত্ব মানুষের জীবনে অসীম।

মানুষের জীবনে পর্বতের প্রভাব আমাদের ধারণার চেয়ে অনেক বেশি। পর্বত আমাদের সুপেয় পানি সরবরাহ করে, বিভিন্ন প্রজাতির প্রাণী ও উদ্ভিদের এবং পৃথিবীর প্রায় এক-দশমাংশ মানুষের আবাসস্থলও এই পার্বত্য এলাকা। তারপরও জলবায়ু পরিবর্তন, খনিতে বিক্ষোভ, দারিদ্র্য ইত্যাদি কারণে পরিবেশের বিপর্যয়ের ফলে ব্যাহত হচ্ছে পর্বতের স্বাভাবিক জীবনধারা।

পর্বত দিবস পালনের সংস্কৃতি শুরু হয়েছিল অনেক আগে থেকে। যতদূর জানা যায় ১৮৩৮ সাল থেকে পর্বত দিবস পালিত হয়ে আসছে। যুক্তরাষ্ট্রের মাউন্ট হোলিওক কলেজের ছাত্ররা ক্লাশ বর্জন করে হোলিওক পর্বতের দিকে যাত্রা শুরু করে ১৮৩৮ সালের কোন এক দিন। এর পরে স্থিখ কলেজ ১৮৭৭ সালে তাদের কলেজে পর্বত দিবস ঘোষণা করে। জুনিয়োতা কলেজ তাদের পর্বত দিবসের ঘোষণা দেয় ১৮৯৬ সালে। এমনিভাবে যুক্তরাষ্ট্রের উত্তর পূর্বাঞ্চলে শিক্ষা প্রতিষ্ঠানগুলোতে পর্বত দিবস পালনের সংস্কৃতি চালু হয় ঊনবিংশ শতাব্দীতে। জনজীবনে পর্বতের গুরুত্ব উপলব্ধি করে ২০০২ সালে জাতিসংঘের সাধারণ পরিষদ প্রতি বছর ১১ ডিসেম্বরকে ‘আন্তর্জাতিক পর্বত দিবস’ হিসেবে ঘোষণা দেয়া হয়। তখন থেকে বিভিন্ন দেশে এ দিবসটি গুরুত্বের সাথে উদ্‌যাপিত হয়ে আসলেও আমাদের দেশে চতুর্থবারের মত দিবসটি সরকারীভাবে উদ্‌যাপনের উদ্যোগ নিয়েছে পার্বত্য চট্টগ্রাম বিষয়ক মন্ত্রণালয়।

এ বছরে দিবসটির প্রতিপাদ্য বিষয় হচ্ছে ‘Mountain Cultures: celebrating diversity and strengthening identity’ এবারে দিবসটি পালনে মূলত: পার্বত্য এলাকাবাসীর সাংস্কৃতিক বৈচিত্র্য ও আত্ম-পরিচয় দৃঢ়ীকরণ প্রাধান্য পাবে। পর্বত ও পর্বতমালার নয়নাভিরাম প্রাকৃতিক সৌন্দর্য ও বিচিত্রমুখী পরিবেশ বিভিন্ন বৈশিষ্ট্যের জলজ প্রাণী ও উদ্ভিদ বৈচিত্র্য এবং বিভিন্ন সম্প্রদায় ও গোষ্ঠীর মানব সম্প্রদায়ের বিবরণ ক্ষেত্র। বিশ্বের প্রধান প্রধান প্রাণী বৈচিত্র্যের মধ্যে অত্যন্ত বিস্তৃত অঞ্চল ও মরু এলাকা এবং নাতিশীতোষ্ণ বনাঞ্চল ও বরফ আবৃত মেরু অঞ্চলের প্রাণী-সকলের ক্ষেত্রেই পর্বতের সম্পর্ক অত্যন্ত নিবিড়। পর্বত ভূ-পৃষ্ঠের এক-চতুর্থাংশ প্রাণী বৈচিত্র্যের সহায়ক। বিশ্বের অর্ধেক জীব-বৈচিত্র্য পর্বতকে ঘিরেই বিভিন্নভাবে আবর্তিত। প্রায় সকল উল্লেখযোগ্য উদ্ভিদ, উভচর প্রাণী এবং পক্ষীকুলের আবাস হচ্ছে পার্বত্য অঞ্চল।

আমাদের অনেকের কাছেই নতুন সংবাদ মনে হতে পারে যে সারা বিশ্বের ৮০ শতাংশ খাদ্য সরবরাহ করছে কুড়িটি উদ্ভিদ প্রজাতি। এর মধ্যে ছয়টির জন্মস্থান ছিল পার্বত্য অঞ্চলে যেমন ভুট্টা, আলু, বার্লি, জোয়ার, টমেটো ও আপেল। এরনকার স্তন্যপায়ী প্রজাতির অনেকগুলোর আদি নিবাস ছিল পার্বত্য এলাকায়। যেমন ভেড়া, ছাগল, চমরিগাই, লামা, আলপাকা ইত্যাদি। লক্ষ্যণীয়, পার্বত্য অঞ্চলের বংশানুক্রমিক বহুমুখিতা, সাংস্কৃতিক বহুমুখিতা ও পরিবেশগত বিচিত্রমুখিতা সমতল এলাকার চেয়ে বেশি। তবে এটি সত্য যে, পার্বত্য অঞ্চলে পরিবেশ পরিষ্কৃতি ভূমিকম্প, দাবানল, জলবায়ু পরিবর্তন, চাষাবাদজনিত নিবিড়তা, অবকাঠামোগত উন্নয়ন ও বিভিন্ন শস্য সংঘাত ইত্যাদি দ্বারা ক্রমবর্ধিষ্ণুভাবে উপদ্রুত। এসবের ফলে পার্বত্যাঞ্চলের প্রাণী বৈচিত্র্য, উদ্ভিদ বৈচিত্র্য এবং জনসাধারণের জীবন-যাপন প্রণালী বিশেষভাবে প্রভাবিত হচ্ছে।

পার্বত্য এলাকায় ক্রমক্ষয়িষ্ণু ও ভঙ্গুর জীব-বৈচিত্র্য টেকসই উন্নয়নের জন্য একটি প্রতিবন্ধকতা তৈরি করছে এবং পূর্বাঞ্চলীয় পার্বত্যাঞ্চলের পরিবেশ বৈচিত্র্যের পুনর্বাসন কঠিন হয়ে উঠছে। এরূপ বৈরা পরিষ্কৃতির মোকাবিলায় জন্ম পার্বত্য জীব-বৈচিত্র্যের সমসাময়িকের বিষয়ে গুরুত্ব দিয়ে “Convention on Biological Diversity” (CBD) এর সদস্যগণ ২০০৪ সালে অনুষ্ঠিত সম্মেলনে গুরুত্বপূর্ণ কিছু কর্মসূচি গ্রহণ করে। এগুলোর মধ্যে রয়েছে পার্বত্য অঞ্চলের জীব-বৈচিত্র্য সংরক্ষণ, এই সংরক্ষণের প্রয়োজনে কিছু সেবা প্রদান, দারিদ্র্য অবলাকন এবং সহশ্রাদ উন্নয়নের লক্ষ্যে অবদান রাখা। CBD কর্মসূচিসমূহ এ বিশ্বাসে ক্রমশ: দৃঢ় করা হচ্ছে যে অসাম্য, দারিদ্র্য, প্রান্তিক জনগোষ্ঠীর দুরবস্থা, প্রাকৃতিক সম্পদের ক্ষয় রোধ, পরিবেশ সুরক্ষা, জীব-বৈচিত্র্যের সংরক্ষণে প্রাতিষ্ঠানিক ও সাংগঠনিক ক্ষমতা বৃদ্ধি পার্বত্যাঞ্চলের কল্যাণে সহায়ক হবে।

পার্বত্য সংস্কৃতি, পরিবেশ সুরক্ষা ও পুনরুদ্ধার এবং পার্বত্যাঞ্চলের মানব বসতি সুরক্ষার অর্থ, বৈচিত্র্যময় পার্বত্য সম্পদের সূচক ব্যবস্থাপনার মাধ্যমে পার্বত্য পরিচিতিতে সুদৃঢ় করা। এ বিষয়ে সচেতনতা বৃদ্ধি এবং পার্বত্য এলাকায় জীব-বৈচিত্র্যের জন্য কল্যাণমুখী কার্যক্রম গ্রহণে উদ্বুদ্ধ ও যুক্ত করাই আন্তর্জাতিক পর্বত দিবস পালনের লক্ষ্য। ২০০২ সালের ১১ ডিসেম্বর আন্তর্জাতিক পর্বত দিবস ঘোষণার সময় জাতিসংঘের খাদ্য ও কৃষি সংস্থা (FAO) এ বিষয়ে ভূমিকা পালনের দায়িত্ব পায়। জাতিসংঘের খাদ্য ও কৃষি সংস্থা তথ্য ও যোগাযোগ বিষয়ক বিভিন্ন উপকরণ উদ্ভাবন করে এবং আন্তর্জাতিক পর্বত দিবস উদ্‌যাপনের জন্য জাতিসংঘ কর্তৃক বিভিন্ন ভাষায় তা ব্যবহার্য করে তোলে।

২০১৬ সালের আন্তর্জাতিক পর্বত দিবসে আমাদের অঙ্গীকার হোক পার্বত্যাঞ্চলের সাংস্কৃতিক ও প্রাকৃতিক বৈচিত্র্যকে মমতার সঙ্গে সংরক্ষণ করা এবং পার্বত্যবাসীর জীবন-যাপনের কল্যাণে এবং প্রাণী ও উদ্ভিদ বৈচিত্র্য সংরক্ষণে, আত্ম-পরিচয় সমৃদ্ধ করার সকলে যত্নবান হবার মাধ্যমে পার্বত্য সংস্কৃতিকে অধিকতর দৃঢ়তর করা।

লেখক: অতিরিক্ত সচিব, পার্বত্য চট্টগ্রাম বিষয়ক মন্ত্রণালয়



باسمہ اللہ الرحمن الرحیم

প্রধানমন্ত্রী
গণপ্রজাতন্ত্রী বাংলাদেশ সরকার
২৭ অগ্রহায়ণ ১৪২৩
১১ ডিসেম্বর ২০১৬

বাণী

পার্বত্য চট্টগ্রাম বিষয়ক মন্ত্রণালয় ‘আন্তর্জাতিক পর্বত দিবস ২০১৬’ উদ্‌যাপন করতে যাচ্ছে জেনে আমি আনন্দিত। এ উপলক্ষে আমি বাংলাদেশসহ বিশ্বের সকল পার্বত্যবাসীকে শুভেচ্ছা জানাই।

দিবসটির এবারের প্রতিপাদ্য “Mountain Cultures: Celebrating diversity and strengthening identity” অত্যন্ত সমরোপযোগী হয়েছে বলে আমি মনে করি।

মানুষের জীবনে পাহাড় ও পর্বতের প্রয়োজনীয়তা সম্পর্কে সচেতনতা বৃদ্ধি এবং জীবনের সাথে এই পর্বত ও পার্বত্য অঞ্চলের মেলবন্ধন তৈরির জন্য আন্তর্জাতিক পর্বত দিবস একটি অন্যতম উপলক্ষ।


পৃথিবীর প্রায় এক দশমাংশ মানুষ পার্বত্য অঞ্চলে বসবাস করেন। পার্বত্য অঞ্চলের মানুষের জীবন অত্যন্ত বৈচিত্র্যপূর্ণ। পর্বতমালা, নদ-নদী, বহু প্রজাতির উদ্ভিদ ও প্রাণী এ অঞ্চলকে করেছে এমন বৈচিত্র্যময়। তাই দেশের সামগ্রিক উন্নয়নের স্বার্থে এ অঞ্চলের উন্নয়ন করা একান্ত প্রয়োজন।

আওয়ামী লীগ সরকার পার্বত্য অঞ্চলের গুরুত্ব অনুধাবন করে এ অঞ্চলের উন্নয়নে নিরলসভাবে কাজ করে যাচ্ছে। পার্বত্য চট্টগ্রামের স্থায়ী শান্তি ও টেকসই উন্নয়নের লক্ষ্যে আমরা ১৯৯৭ সালের ২রা ডিসেম্বর শান্তি চুক্তি করেছি, যা এ অঞ্চলে শান্তি স্থাপন করতে সক্ষম হয়েছে। আমরা পার্বত্যবাসীর জীবন-মানের উন্নয়নে বনায়ন, জীব-বৈচিত্র্যের উন্নত ব্যবস্থাপনা, যোগাযোগ ও তথ্য-প্রযুক্তি ব্যবস্থার উন্নয়ন এবং জলবায়ু পরিবর্তনের নেতিবাচক প্রভাব মোকাবিলায় বিভিন্ন কর্মসূচি বাস্তবায়ন করে যাচ্ছি। আমাদের এ সকল পদক্ষেপের ফলে এ অঞ্চলের শিক্ষা, স্বাস্থ্য, বিদ্যুৎ, যোগাযোগ, মোবাইল নেটওয়ার্কসহ প্রতিটি সেক্টরে আমূল পরিবর্তন হয়েছে।

আন্তর্জাতিক পর্বত দিবস ২০১৬ উপলক্ষে পার্বত্য চট্টগ্রাম বিষয়ক মন্ত্রণালয় আয়োজিত নানা কর্মসূচি এ দিবসের তাৎপর্য ও গুরুত্ব জনসম্মুখে তুলে ধরতে সক্ষম হবে বলে আমার প্রত্যাশা।

আমি আন্তর্জাতিক পর্বত দিবস ২০১৬ এর সার্বিক সাফল্য কামনা করছি।

জয় বাংলা, জয় বঙ্গবন্ধু
বাংলাদেশ চিরজীবী হোক।


শেখ হাসিনা



প্রতিমন্ত্রী
পার্বত্য চট্টগ্রাম বিষয়ক মন্ত্রণালয়
গণপ্রজাতন্ত্রী বাংলাদেশ সরকার

বাণী

আন্তর্জাতিক পর্বত দিবস-২০১৬ উপলক্ষে আমি পার্বত্যবাসীসহ দেশের সকল শান্তিকামী ও অসাম্প্রদায়িক চেতনায় বিশ্বাসী মানুষকে শুভেচ্ছা ও অভিনন্দন জানাই। বাংলাদেশে দিবসটি চতুর্থ বারের মত পালনের মাধ্যমে দিবসটির গুরুত্ব ও তাৎপর্য সম্পর্কে জনগণ সম্যক ধারণা পাবেন বলে আমার বিশ্বাস।


পার্বত্য চট্টগ্রামের সামাজিক, সাংস্কৃতিক ও ভৌগোলিক ভিন্নতা, প্রাকৃতিক সৌন্দর্যের বৈচিত্র্যতা, ভেদজ দ্রব্যাদির পর্যটনতা এই অঞ্চলকে বহু মাত্রিকতায় সমৃদ্ধ করেছে। সমতল ও পার্বত্য অঞ্চলে বসবাসরত মানুষের জীবনধারার ভিন্নতার ফলে পার্বত্যবাসীকে প্রকৃতির প্রতিকূল প্রভাব মোকাবিলা করে পরিবর্তিত পরিস্থিতির সাথে সর্বদা খাপ খাইয়ে জীবনযাপন করতে হয়।

আন্তর্জাতিক পর্বত দিবসকে সামনে রেখে পার্বত্যবাসী তাদের জীবনধারার কল্যাণমুখী পরিবর্তনে সম্পৃক্ত হওয়ার সুযোগ পাবেন। সাথে সাথে সচেতনতার ফলে টেকসই ভবিষ্যৎ নির্মাণে আধুনিক তথ্য প্রযুক্তির ব্যবহারে সচেষ্ট হবেন বলে আমি বিশ্বাস করি। মাননীয় প্রধানমন্ত্রী জননেত্রী শেখ হাসিনার যোগ্য নেতৃত্বে ১৯৯৭ সালের ২ ডিসেম্বর ঐতিহাসিক শান্তি চুক্তি স্বাক্ষরের মাধ্যমে দীর্ঘ দুই যুগব্যাপী সংঘাতের অবসান হয়ে পার্বত্য চট্টগ্রাম অঞ্চলে উন্নয়নের দ্বার উন্মোচিত হয়। এরই ধারাবাহিকতায় বিগত আট বছরে অগ্রাধিকার ভিত্তিতে পার্বত্য এলাকার শিক্ষা, স্বাস্থ্য, বিদ্যুৎ, যোগাযোগ তথা অবকাঠামোগত ব্যাপক উন্নয়ন সাধিত হয়েছে। যা এবারের আন্তর্জাতিক পর্বত দিবস-এর প্রতিপাদ্য Mountain Cultures : celebrating diversity and strengthening identity- এর সাথে অত্যন্ত সামঞ্জস্যপূর্ণ।

পার্বত্যবাসীর দারিদ্র্য দূরীকরণের মাধ্যমে টেকসই অর্থনৈতিক প্রবৃদ্ধিতে পাহাড়ের সঠিক ব্যবহার এবং এখানে বসবাসরত মানুষের জীবনধারা অধিকতর গুরুত্ব পাচ্ছে। প্রকৃতি ও পরিবেশের অবক্ষয় না ঘটতে সকল মানুষের সুস্থ জীবন বিকাশে এ দিবসটি ব্যাপক জনসচেতনতা সৃষ্টি করবে বলে আমি বিশ্বাস করি।

আন্তর্জাতিক পর্বত দিবস-২০১৬ সফল হোক-এ প্রত্যাশাই করি।

জয় বাংলা, জয় বঙ্গবন্ধু।


বীর বাহাদুর উসৈঈ, এমপি



সভাপতি
পার্বত্য চট্টগ্রাম বিষয়ক মন্ত্রণালয়
সম্পর্কিত সংসদীয় স্থায়ী কমিটি
বাংলাদেশ জাতীয় সংসদ

বাণী

পার্বত্য চট্টগ্রাম বিষয়ক মন্ত্রণালয় জাতিসংঘ ঘোষিত “আন্তর্জাতিক পর্বত দিবস” চতুর্থবারের মতো পালনের উদ্যোগ নিয়েছে। মন্ত্রণালয়ের এ ধরনের একটি মহতি উদ্যোগকে আমি আন্তরিকভাবে স্বাগত জানাই।

জাতিসংঘ ২০০২ সালে ১১ ডিসেম্বরকে আন্তর্জাতিক পর্বত দিবস ঘোষণা করে। জাতিসংঘের এ সিদ্ধান্তের ফলে বিশ্বের দেশগুলো প্রতিবছর যথাযথভাবে দিবসটি পালন করে আসছে। দিবসটির এবারের প্রতিপাদ্য বিষয়- Mountain Cultures: celebrating diversity and strengthening identity. জলবায়ু পরিবর্তন, পার্বত্য অঞ্চলের জীব-বৈচিত্র্য সংরক্ষণ, দারিদ্র্য বিমোচন এবং টেকসই উন্নয়ন লক্ষ্যমাত্রা অর্জনের বিষয়টি যখন গুরুত্বপূর্ণ হয়ে উঠেছে তখন এবারের প্রতিপাদ্য বিষয়টি বিশেষ তাৎপর্যপূর্ণ।

পরিবেশ সুরক্ষা ও পুনরুদ্ধার এবং পার্বত্যাঞ্চলের মানব বসতি সুরক্ষার অর্থ পার্বত্য অঞ্চলের সূচক ব্যবস্থাপনার মাধ্যমে সেবা প্রদান। এ বিষয়ে সচেতনতা বৃদ্ধি এবং পার্বত্য এলাকার জীব-বৈচিত্র্যের জন্য কল্যাণমুখী কার্যক্রম গ্রহণে উদ্বুদ্ধ ও যুক্ত করাই আন্তর্জাতিক পর্বত দিবস পালনের লক্ষ্য।

এ দিবসের তাৎপর্য ও গুরুত্ব অধিকভাবে তুলে ধরে দিবসটি উদ্‌যাপনে পার্বত্যবাসীর জীবনমান বিকাশে ব্যাপক জনসচেতনতা বৃদ্ধি পাবে বলে আমি দৃঢ়ভাবে বিশ্বাস করি।

আমি আন্তর্জাতিক পর্বত দিবস ২০১৬ উদ্‌যাপন উপলক্ষে সকল পার্বত্যবাসীর উন্নতি-সমৃদ্ধি এবং দিবসটির সার্বিক সফলতা কামনা করি।

জয় বাংলা, জয় বঙ্গবন্ধু।


র.আ.ম উবায়দুল মোকতাদির চৌধুরী, এমপি



সচিব
পার্বত্য চট্টগ্রাম বিষয়ক মন্ত্রণালয়
গণপ্রজাতন্ত্রী বাংলাদেশ সরকার

বাণী

ভূ-পৃষ্ঠের স্থলভাগের এক চতুর্থাংশ পর্বতময় এবং পৃথিবীর মোট জনসংখ্যার ১২% পার্বত্যবাসী। মানুষের জন্য প্রয়োজনীয় সুপেয় জলের ৫০% এর উৎস পর্বত অঞ্চলে। দারিদ্র্য সীমার নীচে বসবাসকারী মানুষের সংখ্যা সমতলের চাইতে পার্বত্য এলাকায় বেশি। জলবায়ুর পরিবর্তন, ভূমিধস, জনসংখ্যা বৃদ্ধি, কৃষি জমির অপ্রতুলতা, নির্বিচারে বৃক্ষ নিধন ইত্যাদি নানা কারণে পিছিয়ে পড়া পার্বত্যবাসীর জীবনধারা এবং জলবায়ু ও পরিবেশের ভারসাম্য রক্ষায় পাহাড়-পর্বতের অবদান ও প্রয়োজনীয়তা সম্পর্কে সচেতনতা বৃদ্ধির লক্ষ্যে ২০০২ সনে জাতিসংঘের সাধারণ পরিষদ ১১ ডিসেম্বরকে ‘আন্তর্জাতিক পর্বত দিবস’ হিসেবে ঘোষণা করে। চলতি বছর এই দিবসের প্রতিপাদ্য হচ্ছে Mountain Cultures : Celebrating Diversity and Strengthening Identity- পার্বত্য সংস্কৃতি: বৈচিত্র্যের উদ্‌যাপন ও আত্ম-পরিচয় দৃঢ়ীকরণ।

পার্বত্য চট্টগ্রাম বিষয়ক মন্ত্রণালয় বাংলাদেশে চতুর্থবারের মত আন্তর্জাতিক পর্বত দিবস উদ্‌যাপনের উদ্যোগ নিয়েছে। পার্বত্যবাসীর জীবনমান উন্নয়ন ও টেকসই ভবিষ্যৎ গড়ার ক্ষেত্রে দিবসটির উদ্‌যাপন গুরুত্বপূর্ণ ভূমিকা রাখবে বলে আমার বিশ্বাস। মন্ত্রণালয়ের উদ্যোগে আয়োজিত বিভিন্ন কর্মসূচীতে জাতিসংঘের খাদ্য ও কৃষি সংস্থা (FAO), আন্তর্জাতিক শ্রম সংস্থা (ILO), জাতিসংঘ উন্নয়ন কর্মসূচী (UNDP), USAID, ব্র্যাক (BRAC), মানুষের জন্যে ফাউন্ডেশন, পদক্ষেপ, কারিতাস, আরণ্যক ফাউন্ডেশন, বাংলাদেশ গ্র্যাডুয়েটস ক্লাব, সমন্বিত পর্বত উন্নয়নের আন্তর্জাতিক সংস্থা (ICIMOD), তিন পার্বত্য জেলা পরিষদ, পার্বত্য চট্টগ্রাম উন্নয়ন বোর্ডসহ যে সকল সংস্থা ও প্রতিষ্ঠান সহায়তা দিয়েছেন তাদের সকলকে জানাই আন্তরিক অভিনন্দন।

আন্তর্জাতিক পর্বত দিবস-২০১৬ সফল হোক এই কামনা করি।


নব বিক্রম কিশোর ত্রিপুরা, এনডিসি